

## **Kiwiini'o Paul Kaaritan Timothy Ati'o**

*Di'oraz kaarita daua'o*

Timothy uruu pa'ina'o daonaiora, umashaapan Lystra ia'o. Uruu'o zii uabatan dono Kaimana'o Kuwai Jesus Christ dau'u, tuukii umishidanuzu. Uruu idi uzaamatan Jesus panaobanaa nii.

Aizii itamautan ida'a Paul makon Lystra iti, uru'u naa una'akan Timothy patuma, utominapa kizi u'idi'iki pakowaadapan dau'u Kaimana'o Kuwai Jesus Christ dau'u. Uruu idi Timothy chi'ikapan ipai wiizai kawana'ati ukaminka'uupan naa Paul kowaadapan Kaimana'o Kuwai Jesus dau'u. Atii kotua'iki ukaudinan utuma.

Uruu dauna'an Paul wa'akan naa Timothy Ephesus ii, utominapa-kida kizi'i naa mishidainao na'ii. Uruu dono pa'ina'o zii Timothy. Upu'u mazan udaru'o kaudin-kizai taa-kao u'ati. Uruu idi na'ia'a naa ukaudinan Ephesus ii.

Ukaudinan dono'o naa na'ii, Paul saadan pakaaritan u'ati, uma'ozakada-kinaa nii unyukunuu, kaiman kizi na'iki ma'ozaka kizi usha'apatan pakaudin-kizi. Na'iki ukakinaowan kapam uruu, uaitapa kizi na'apam nii pana'akapan wuru'u pakaudin-kiziz. Tuukii uaipan Timothy kakinaowan pidannao na'ii, wunao aia'a tominapa-kidainaouz pidannao pana'iti karikaonan.

Na'iki ukowaada-kida kapam pakaaritan ida'a, sha'apa'oram pidannao uaipan zaamata-kao kazowautapainaao nii mishidainao. Na'iki ukakinaowan kapam Timothy, uaipan umashaapan kaiman, kadoronaa. Na'iki ukowaadan u'ati na'apam nii utominapa-kidan mishidainao. Ukowaada kizi ï'ati na'apam mishidainao aiapa-kao ïmashaapan. ïmashaapa kizi kaiman, karikaonan kizi kapam ïkaminka'utan pairibannao.

### **Kaarita buutinpan kida**

Kaarita sakadin-kizi 1:1-2

Kazowautapainaao na'iki kaudinainao choochi ii 1:3—3:16

Kakinaorii Timothy ati'o 4:1—6:21

<sup>1</sup> Di'oraz kaarita õgaru Paul, Christ Jesus apostlen di'iki'o. Tominkaru wakazannaatapiki aipan ati'o õapostle-tinan na'iki Christ Jesus aipan ati'o, uruu wazaudapaniaz wa'atin. <sup>2</sup> Aizii õsaadan wuru'u di'oraz kaarita'a pugaru Timothy ati'o, õdani kawanu'oraz manawun õtaapan, pumishidan idi Christ. Marii Tominkaru waDaru na'iki Christ Jesus wanaobanaa kamunanun pu'ati, na'iki ukamunan-kida kizi pugaru, na'iki utaa kizi punyukunuu kaiman-kinaa nii.

*Timothy kakinao-kao mariidamiki pidannao ai*

<sup>3</sup> Õsaadan kaarita õaipan idi puna'ian Ephesus ii, na'apa õkiauzon kawana'ati pu'ati kiwiin, tawuru dono'o õmakopaanan dono'oraz Macedonia iti. Kaina'a pabi'i kida pidannao na'ii, tominapa-kidainao pidannao Tominkaru paradan dau'u, mazan aonaa sakitapa'o

mani wuru'u ūtominapa-kidanuz ūdyaun. Ōaiapa pudyuudan ūsookadan wuru'u pana'apainapanuz.

<sup>4</sup> Na'iki pudyuuda'a naa ūmarina'atan wuru'u ūkowaadapanuz kotuainaonao kuwaa kida, wuru'u madiwautapa-ka'oraz naa karikaonan, na'iki marina'a naa ūsookadan padi'itapan na'iki pasaadapan padokozu-daunnao uu kida. Ipaí wuru'u sha'apaapa-kariwai kidaz aimaakan na'apa, toma'o karikaonan to'orataaka-karu na'iki kashadaaka-karu. Soo Christ mishidako ida'an pa'an pidan aitapan pasha'apatan aimaakan Tominkaru aipan kawana'ati.

<sup>5</sup> Ōsaadan kaikapa'a, ūaipan idi ūkamarainapanun manawun, kaimana'o nyukunui di'iki, na'iki kaimana'o di'itinapa-karu di'iki na'iki mish'i'o mishidaku di'iki.

<sup>6</sup> Pabi'i kida pidannao aonaa ūsha'apatinan wuru kawana'ati'i kakinaorii kidaz. Una'apan idi'i naa ūpozawatan tuukii, ūmashaapan soo padakoopaakan dau'u, na'iki pakashadaakapan dau'u.

<sup>7</sup> Mishi tuukii ūaipan patominapa-kidan pidannao, Moses kakinaori dau'u. Na'iki ma'ozaka ūkakuwaapan pidannao ati aitapa'o kawan. Mazan upu'u aonaa ūaitapan na'apa'oram dawa'o wuru'u pakadakotinanuz, oo patominapa-kidanuz pidannao.

<sup>8</sup> Ipaí waunao, waaitapa kaimana'o wuru'u Moses kakinaori kidaz, ukaiwaa-kao ana'oraz mazan sakitapa.

<sup>9</sup> Mazan waaitapa wuru'u Moses kakinaori taa-kao, aonaa kaimanainao pidannao ati'o mani. Mazan utaa-kao oiainao ati'o, wuru'u dikintapainaouz kakinaorii kida, na'iki sha'apaapauzonao ati dikauda kida'o manawun aimaakan, na'iki mamishida-kainao

na'iki dikintapainaao Tominkaru. Na'iki wunao ati'i, aona'oraz ūaitapan Tominkaru, aona'oraz ūkarodapan paparadan Tominkaru dau'an. Na'iki wunao ati'i, zowiauzonao kidaz padarunao, padaronao na'iki ba'oran pidannao kida.

**10** Na'iki wunao ati'i, mashaapainaao kidaz kana'apan mamazidaaka-daun. Na'iki wunao ati'i, mashaapainaouz ba'oran daiaro tuma oo ba'oran daiaru tuma pamazidan pu'a'a naa. Na'iki wunao ati'i kiaapainaouz pamin-daonaioran, na'iki kiaapainaouz pamin-zunan. Na'iki wunao ati'i koidapauzonao kidaz pidannao pasellian nii. Na'iki wunao ati'i mariidinauzonao na'iki tomapauzonao kidaz karikaonan paradar-karu. “Mishi'o waparadan” ūkian pamariidinan pu'u. Na'iki wunao ati'i dikintapainaouz kaimana'o parada-karu Tominkaru di'iki'oraz.

**11** Ipaí wuru'u kakinaoriiz, Kaimana'o Kuwai kawana'ati'o wuru'u. Na'iki ūgaru dyuudakariwai kowaadapa'o nii ipai wuru'u konaunam kida'oraz manawun kuwai, kaimana'o na'iki umanawunu'o Tominkaru di'iki kida'oraz.

*Tominkaru tukapa-kidan pakamunanun Paul  
ati*

**12** Tuukii manawun ūkonaukii-kidan Christ Jesus wanaobanaaz, utaan idi ūnyukunu ma'ozaka-kinaa nii, ūsha'apata-kinaa nii ipai wuru'u ūkaudin-kizi kidaz. Na'iki tuukii ūkonaukii-kidanuzu, utukapan idi ūgaru kaimana'o pidan kawan, na'iki uzaamatan idi ūgaru kaudina'o nii pa'ati.

**13** Uaitapan pu'u padamata ūdakoopan paugaru, na'iki ūntamikitan pu'u padamata uruu tuukii, na'iki uaitapan pu'u padamata ūsha'apatan iriba

dikauda kida'o aimaakan, õkaziwaa-kinaa nii uruu. Mazan Tominkaru kamunan-kida zii kowas õgaru, usha'apanum kau'an na'apain aona'o zii õmishidan Christ. Na'iki wuru'u õpataka'utanuz mishidainaao, aonaa õaitapan u'oian. Õ'itiiman kaimana'o nii wuru'u õsha'apaapaniaz. <sup>14</sup> Mazan wanaobanaa Christ Jesus, tuukii utukapa-kidan pakaimanan õ'ati. Atii, utaa zii õnyukunuu iti mishida-karu, na'iki marainpaaka-kinai, wuru'u taa-kariwaiz ipai waunao ati, zaamatinpainaouz Christ Jesus di'iti.

<sup>15</sup> Aizii di'oraz kuwai mishi'o wuru'u na'iki turuu umishida-kao: Christ Jesus kaawan imi'i baara ati, ukazannaata'anan oiainao. Na'iki õgaru udawun iti manawun õ'oian ipai ba'oran oiainao ai. <sup>16</sup> Mazan Tominkaru kamunan-kida zii õgaru, usha'apanum kau'an uaipan idi Christ Jesus kaiwaan õgaru oia'oraz pidan, utukapa-kida-kinaa nii mishi pakaimanan. Aonaa usha'apatan õgaru, õ'oian pu'u padamata udawun iti manawun, na'iki utominapa-kida-kinaa nii ba'orainaao diina'iti'i. Íaitapa kizi, na'iki ïmishida kizi, turuu kapam ukazannaatan ïdyauñ ï'oian ai, ïmashaapa kizi utuma karikaonan.

<sup>17</sup> Aizii õkian King dau'an, karikaonanu'oraz unaobanai-tinpan, na'iki aona'oraz umawakauzon, na'iki aona'oraz utukapauzo-kao, soo uruu bauda'apa mishi'o Tominkaru. Marii wataapan uruu umanawunu'o nii, na'iki marii karikaonan kizi wakonaukiitin-kidan umanawunun. Amen.

<sup>18</sup> Timothy õdani, wuru'u õdyuudanuz pusha'apatinan kaikapa'a, parada-karu kawana'ati'o, tawuru'u Tominkaru dyuudau-

zoniaz papidanannao kowaadan. Ìkowaadan dono'oraz kanoma'o nii pukaudin-kizi nii. Uruu kawana'ati'ora'a naa aizii, wuru'u õdyuudanuz pugaru. Ukau'an pumishida na'iki pukaiwaa wuru'u parada-karu kidaz, punyukunuu ma'ozaka-kinaa nii, ma'ozaka kizi puna'akan Tominkaru paradan. <sup>19</sup> Pakawan putaapa wuru'u pumishidanuz, na'iki pakawan puda'an wuru'u kaiman kida'oraz pudi'itinpauzon. Kaina'a ba'orainao, aonaa ìtaapan pakawan wuru'u pamishidauzonuz, na'iki aonaa ïda'anan wuru'u kaiman kida'oraz padi'itapaniaz. Uruu idi ìwaotan, aona'a naa ìaitapan kanom pamishida, ìnyukunuu pana'iti'i naa karikaonan. <sup>20</sup> Kaina'a pidannao na'apa'o idi'o ìwaotan kapam, Hymenaeus na'iki Alexander. Uruu idi õmuuda'aka'a naa ìdfaun Satan ati, marii kizi'i naa uantamikitan ìdfaun. Uruu shoman na'apa'o ida'an ìaitapinan, aonaa kizi powa'a ìdakoopan Tominkaru.

## 2

### *Na'apam mishidainao toriinpan*

<sup>1</sup> Aizii kiwiitapa õkia'azon mishidainao ati, tuukii manawun õaipan utoriinapa-kidan ipai pidannao Tominkaru ati. Ukowaada na'iki upishaa ipai aimaakan Tominkaru ati, ukamunan kizi ì'ati. Na'iki "Kaiman manawun pugaru," ukii Tominkaru ati, ipai aimaakan dau'an na'iki pidannao dau'an. <sup>2</sup> Na'iki utoriinapa kapam king-tinpainao dau'an, na'iki ipai ba'oran naobanai-tinpainao dau'an. Utoriinapa wamashaapa kizi kaiman, aonaa kizi wanyukunuu kasharutapa-kao, na'iki mashaa

kizi kapam wataapan wanyukunuu. Wamishida kizi na'iki wamashaapa kizi soo Tominkaru ati, watukapa-kida kizi uruu ida'an mishi waikodan kaimana'o mashaapa-karu. <sup>3</sup> Kaimana'o wuru'u toriinapa-karuz kaikapa'a, tuukii Tominkaru, wakazannaatapiki naubaan na'apa'o toriinapa-karu. <sup>4</sup> Uruu aipa'o ipai pidannao kazannaatinan pa'oian ai. Na'iki ūaitapa kizi ipai wuru'u parada-karu kidaz, mishi'oraz manawun. <sup>5</sup> Mishi kaina'a bauda'apa Tominkaru, na'iki kaina'a bauda'apa pidan ida'an wakaimanaakan Tominkaru tuma, aonaa kanom ba'oran ida'an mani, soo bauda'apa daonaiora Christ Jesus ida'an. <sup>6</sup> Uruu taaina'oraz ipai, ipai pidannao wadaun nii, ukazannaata'azon idi ūdyauu pa'oian ai. Tominkaru aitanii kamoo kawana'ati'o wuru'u Jesus taainanuz naa, utukapa-kida-kinaa nii mishi'o wuru'u Tominkaru aipanuz ipai pidannao kazannaatinan pa'oian ai. <sup>7</sup> Uruu idi'o wuru'u ūzaamata-kaoaz, na'iki ūdyuuda-kaoaz kowaadapa'o nii na'iki tominapa-kida'o nii Gentilenoa,\* wuru dau'a'a mishi'oraz kuwai. Tominkaru kazannaata'azonuz ipai pidannao. Mishi'o kaiwuru'u ūkuwaaz, aonaa ūmariidapan mani karikaonan unao.

<sup>8</sup> Ipai choochiapa-karu kawana'ati, tuukii ūaipan daonaioranao, wuru'u taa'oraz manawun mishi panyukunuu Tominkaru ati, ūaipan ūtoriinpan panyukunuu kaimana'o di'iki. Aonaa pato'orainpan bii'i mani, na'iki aonaa pakashadaakapan bii'i mani. <sup>9</sup> Na'iki ūaipan

---

\* **2:7** Gentilenoa: pidannao pana'a'o Jewnao ai. Putukapa kaarita tokon ii, Parada-karu Masha'apannaada-kinao di'ii.

kapam zunnao aitapan na'apam pakaiwadinpan kaiman. Aonaa kizi ūkonaunamadan padizo, oo ūtinokan padizo na'apam karikaonan pakonaunamadin-kinaa nii. Aonaa kizi ūtatadinpan pakaiwadapan ida'an kashoro, zaanobai, na'iki ishitainii, toma-kariwai kidaz gold idi. Na'iki aonaa kizi ūkaiwadan kamicha konaunamaa-kariwai sodi kida, na'iki kawinipinaa kida'oraz manawun. <sup>10</sup> Mazan ūtukapa-kida kizi pa'an kaiman kida'o pakaduz ba'oraina ati. Ūtukapa kizi ūkaduz ida'an, na'apam zunnao mashaapan, wuru'u mishidainaouz Tominkaru. <sup>11</sup> Na'iki marii zunnao abatapan mashaaka kakuwaapatin-karu an Tominkaru paradan dau'u, aonaa turuu ūwazootapan daonaioranao. <sup>12</sup> Na'iki aonaa ūkashaapan zunnao kakuwaapan oo kazowautapan choochiapa-karu daonaioranao bii ii. Marii mashaak ūabatapan. <sup>13</sup> Usha'apanum kau'an Adam kiwiini'o utoma-kao, udauna'an Eve. <sup>14</sup> Na'iki aonaa Adam mani wuru'u mariida-kariwaiz, mazan Eve pa'an wuru'u dikintapa'oraz Tominkaru paradan, omishidan idi pamariida-kao, uruu idi o'oian. <sup>15</sup> Mazan zunnao kazannaata-kao nii pakaudanipan dono, ūmishidan an pakawan Tominkaru, na'iki ūkamarainapanun an, na'iki ūmashaapan an kaiman, na'iki aitapin Tominkaru aipan kawana'ati.

### 3

#### *Kazowautapainao choochi dau'ana'o*

<sup>1</sup> Aizii di'oraz parada-karu kida'a, mishi'o na'iki sakitapa'o: Aizii na'ia'oram daonaiora tuukia'o ukaudina'azon pakazowautapan

dau'u choochi, kaimana'o kaudin-kizai wuru'u usha'apata'azoniaz. <sup>2</sup> Aizii pidan kazowautapa'azo'o mishidainao, marii kau'an kaiman umashaapan, aonaa abatauta-kida'o nii mani dikauda sodi kida'o pakaduz. Na'iki marii umashaapan bauda'apa'o paudaiaro tuma, na'iki marii umashaapan aitapin na'iki kadoronaa. Udi'itapa-kida kizi kaimana'o pakaduz kida ipai pidannao ati. Na'iki marii kizi konaukii umorotakidan tawarainao, ūkaawan an udapu iti. Na'iki marii kizi ma'ozaka na'iki kaiman uaitapan patominapa-kidan pidannao. <sup>3</sup> Na'iki aonaa kizi kapam utuzapa-shorin, na'iki aonaa kizi uto'orauzon oo ukashadakon. Mazan utaapa kizi pa'an panyukunuu kaiman na'iki masha. Aonaa kizi unyukunuu soo puraata dau'ati. <sup>4</sup> Marii kizi kapam ma'ozaka na'iki kaiman ukazowautapan padapu ainao. Aonaa kizi udikintapa-kidinan paudainao ati, mazan ūkichana'iki kizi u'ai, na'iki ūizo'ati kizi ipai uparadan. <sup>5</sup> Aizii umaka'iitakan an pakazowautapan kaiman padapu ainao, na'apam nii mooko uaitapan pakazowautapan mishidainao? <sup>6</sup> Na'iki aonaa kizi kapam pidan diiki'i'o zii umishidanu'u, zaamata-kao kazowautapa'o nii choochi. Panaadon pidan na'apa'o zaamata-kao an, udi'itinpán nii soo pa'atadinpan dau'u, atii na'apa'o ida'ana'o nii uwaotan na'iki ukaboota-kao Satan kawan. <sup>7</sup> Marii kizi mamishida-kainao abatan kaiman uunamunaa. Ukau'an aona'o nii uba'azootinkida-kao, na'iki aona'o nii Satan zaamatanuz pamariaariba kida ida'an.

*Kaminka'uupauzonao choochi ii*

**8** Aizii pidannao kaminka'uupa'o mishidainao, marii ūmashaapan kaiman, aonaa kizi ūunamunaa abata-kao dikauda sodi kida. Marii kizi mishi ūsha'apatinan paparadan kawana'ati, aonaa ūkadakoinpan mani karikaonan. Na'iki aonaa kizi ūtuzapa-shorin, na'iki aonaa kizi ūdi'itinpoo soo paaipan dau'u puraata. **9** Na'iki aonaa kizi kanom kasharutapan ūnyukunuu, mazan ma'ozaka kizi ūtaapan pamishidan, dadara kizi ūzaamatinpan wuru di'iti'i mishi'oraz kuwai, Tominkaru taaniaz ū'ati ūtominapa-kinaa nii. **10** Na'iki marii zii ipai ūkaduz tiwaa-kao na'iki ūtukapa-kao kiwiin. Aizii ūkaduz tukapa-kao an kaiman, uruu turua'a naa ūzaamata-kao kaminka'uupa'o nii. **11** Aizii ūdaiaronao,\* na'apa kapam, marii ūmashaapan kaiman, aonaa kizi ūunamunaa abata-kao dikauda sodi kida. Na'iki aonaa kizi kapam ūkadakotinauzon. ūmashaapa kizi kadoronaa na'iki aitapin. Na'iki mishi kizi kapam ūsha'apatinan paparadan kawana'ati. **12** Aizii daonaioronao, wuru'u kaminka'uupainaouz mishidainao, marii ūmashaapan bauda'apa'o pau daiaro tuma. Ma'ozaka kizi, na'iki kaiman kizi kapam ūkazowautapan padapu, pau daiaro na'iki pau dainaao. **13** Aizii na'ia'oram pidan kaminka'uupa'o sha'apatan an ipai pakaudin-kizi kaiman, kaimana'o nii uabata-kidan paunamunaa. Na'iki ma'ozaka'o nii na'iki mabaa'azo'o nii ukakuwaapan pamishidan dau'u Christ Jesus.

*Tominkaru sha'apatan kaimana'o manawun aimakan*

---

\* **3:11** ūdaiaronao oo “zunnao, kaminka'uupa'o mishidainao.”

**14-15** Ōaipan padamata kadiman ūwa'atin pu'ida'ati, mazan ūmakaawakan an kadiman, ūsaadan di'oraz kaarita puaitapa kizi na'apam nii waunao mishidainao aiapa-kao wataapaakan baokopa wamin-mishidannao tuma. Usha'apanum kau'an waunao wuru'u Tominkaru choochiniz. Uruu Tominkaru karikaonanu'oraz ukakupauzon. Na'iki wamishidan ida'an, dadara wazaamatapan na'iki wakazannaatapan wuru'u kaimana'o, na'iki mishi'oraz kuwai upana'ada-kao ai.

**16** Aonaa turuu pidan kian aonaa mishi'o mani na'iki aonaa umanawunu'o mani Tominkaru sha'apataniaz aimaakan, aona'oraz zii uaitapa-kidauzon kiwiin. Wuru'u uaitapa-kidaniaz wa'ati kai, wamishida-kinaa nii na'iki waaitapa-kinaa nii uruu. Kaikapa'o wuru'u Tominkaru aitapa-kidanuz wa'ati mishi'o aimaakan:  
Uaidinan imi'i baara'a, pidan nii.

Kaimana'o Doronaa tukapa-kidan mishi,  
kaimana'o manawun uruu,  
na'iki mishi usha'apatan ipai aimaakan saki-tapa pa'idiwaru.

Na'iki angelnao, ūtukapa kapam uruu.

Kuwai makon udau'an ipai amazada kawana'ati.

Uruu idi ipai amazada kawana'ati,

pidannao mishidan na'iki ūzaamatatan uruu  
panaobanaa nii.

Udauna'an Tominkaru na'akan naazu aokazi iti.

## 4

*Mariidapa'o patominapa-kidan  
pidannao*

<sup>1</sup> Mishi kaimanaiman sha'atii Kaimana'o Doronaa kowaadauzon, diina'iti'i kaina'a'o nii pabi'i kida pidannao, mishidainaouz, marina'atan nii wuru'u pamishidanuz mishi'o kuwai. Na'iki ūmishidan ni'i naa oia'o doronainao mariidin-kinaa kida, na'iki ūda'an an ni'i naa wuru'u oiainao tominapa-kidanii kidaz. <sup>2</sup> Aizii wuru'u na'apa kida'oraz kuwai, uruu wunao na'akapani'i mariidamikinao kidaz. Mainaabata-kariwaiz naa kaiman kida'o di'itinapa-karu ūzowau iki, na'apa chipirari wiichada-kariwai mainaabatanii kawanu'oraz naa. <sup>3</sup> Aizii wuru'u na'apainaouz pidannao, ūkian aonaa turuu mazida-karu, na'iki ūkian, kaina'a pabi'i kida aimakan aonaa ukashaapa-kao unika-kao. Mazan ipai wanyukunui wuru'u aona'oraz ūkashaapan unika-kao, Tominkaru tomanii pa'idiwaru wuru'u nika-karu nii. Mazan mishidainaouz, wuru'u aitapainaouznaa pa'an mishi'o parada-karu, turuu ūnikan sha'apa'oram wanyukunui, patoriinapa-kidan dauna'anazu. <sup>4</sup> Mishi ipai Tominkaru toman aimakan kaiman pa'idiwaru. Ukau'an aonaa turuu sha'apa'oram wanyukunui mana'idiapa-kao. Mazan ipai wuru'u wanyukunui kidaz, unika-kao nii utoriinapa-kida-kao dauna'an. <sup>5</sup> Usha'apanum kau'an Tominkaru paradan, na'iki toriinapa-karu ida'ana'o wuru'u, kaiman Tominkaru tukapan sha'apa'oram wanyukunui nika-kao.

### *Christ Jesus poitoru manawun*

<sup>6</sup> Aizii pukowaadapan an ipai wuru kida dau'ana'a mishidainaouz ati, mishi'o nii pugaru kaimana'o poitorui Christ Jesus ati. Wuru'u

kuwai kida pumishidaniaz na'iki puda'ananiaz ma'ozakadan nii punyukunuu powa'a zii. <sup>7</sup> Mazan aonaa pa'an ðaipan punyukunuupan na'iki puda'an an wuru'u kotu'u kida'oraz kuwai madiwautapa-ka'oraz karikaonan, aonaa Tominkaru di'iki'o mani. Mishi'oraiman putominapa powa'a zii pusha'apatin kizi pa'an Tominkaru aipan kawana'ati. <sup>8</sup> Mishi pidan ikoda kaimana'o aimaakan pa'ati, uikoda pama'ozakkinaa nii, padimatinan na'iki pama'ozakainpan ida'an. Mazan pidan ma'ozakada'o panyukunuu Tominkaru dau'ati, uikodan nii aimaakan powa'a'o zii manawun ukaimanan ipai wuru aia'a ba'oran aimaakan kidaz. Uruu ida'ana'o nii pa'an uikodan kaimana'o mashaapa-karu kai, na'iki diina'iti'i Tominkaru tuma. <sup>9</sup> Mishi'o wuru'u di'oraz parada-karu kida'a. Marii kizi umishidanuzu kaimanaiman. <sup>10</sup> Mishi kasha'apanna na'iki dadara wakaudinan. Usha'apanum kau'an waaitapa na'iki wamishida tuukii, kaina'a'o nii na'apainim wamakon wamashaapa'an an pa'an Tominkaru tuma, wuru'u karikaonanu'oraz ukakupauzon. Uruu wuru'u ipai pidannao kazannaatin-kinaa ni'oraz, na'iki kazannaata'oraz ipai wuru'u mishidainaouz Christ.

<sup>11</sup> Aizii pukowaada'a naa, na'iki putominapa-kida'a naa pidannao ipai wuru dau'a'a parada-karu na'iki kakinaorii kidaz. <sup>12</sup> Mana'a pukashadapa-kidina'ana'a pupa'inan idi zii. Mishi'oraiman, putukapa-kida kaimana'o pukaduz mishidainao ati, puparadan ida'an kaiman, na'iki putukapa-kida ñ'ati kaimana'o mashaapa-karu, na'iki putukapa-kida ñ'ati

pukamarainapanun, na'iki putukapa-kida kapam wuru'u pumishidanuz, na'iki putukapa-kida ñ'ati na'apam putaapinan kaiman ipai oia'o ai. <sup>13</sup> Atii õkaawan na'iti, karikaonan puaitaapa saada-kariwaiz kida Tominkaru paradan ipai pidannao ati na'ii, ïkasaba'uinpán kawana'ati. Na'iki pukowaada ñ'ati kaimanaiman na'apa'oram wuru'u parada-karu kida kianuz. Na'iki putominapa-kida kizi'i naa ipai wuru'u pidannaouz, ïsha'apatin kizi'i naa ipai parada-karu kawana'ati. <sup>14</sup> Mana'a pumarina'ata'ana'a kaimana'o aimakan tawuru'u Tominkaru taauzoniaz na'apa pukaudin-kinaa nii, prophetnao ida'ana'oraz ukowaada-kida-kao, tawuru dono'o choochi zowaunaanao toriinapa-kidauzon na'iki ñmuudauzon dono'oraz paka'u pu'ida'ati. <sup>15</sup> Ukau'an putiwautina'a naa na'iki pusha'apatin'a naa na'ii ipai wuru kawana'ati'i, kakinaorii kidaz saada-kariwaiz pu'ati. Marii kizi ipai pidannao tukapan pukaudin-kizi tuubarudinan. <sup>16</sup> Puaitapin pa'i kaiman pumashaapa, pukuwaa na'iki putominapa-kidan kawana'ati pidannao. Pakawan pusha'apatin wuru kawana'ati'i pusha'apaapauzonii kidaz. Usha'apanum kau'an, pusha'apatinan an ipai ukawana'ati, pukazannaatinan nii, na'iki pukazannaatan nii wunaou'u abatainao kidaz pukuwaa.

## 5

### *Kakinaorii mishidainaо dau'ana'o*

<sup>1</sup> Mana'a pukashadakowaua'ana'a tunarunao-tinpa'ora'a naa pidan, putukapan an usha'apatan

dikauda'o aimaakan. Mishi'oraiman puparada na'iki pukakinao uruu kaiman, na'iki kona'ia'o ida'an, na'apa puparadauzon kawan pudaru ati. Aizii pa'inainao daonaioranao ati na'apa kapam puparada, kaimana'o ida'an, na'apa puparadauzon na'iki pukakinaowauzon kawan pu'inawuzunao.

<sup>2</sup> Aizii putukapan an zunnao, maskonnao-tinpainao kida'a naa sha'apatan dikauda'o aimaakan, puparada na'iki pukakinao ūyaun kaiman kona'ia'o ida'an, na'apa puparadauzon kawan pudaro ati. Aizii pa'inainao zunnao sha'apaapan an dikauda'o aimaakan, na'apa'o nii kapam puparadan ūati, kaimana'o, na'iki kona'ia'o ida'an. Na'apa puparadauzon, na'iki pukakinaowauzon kawan pudadakoonao kaimana'o ida'an, aonaa madoronaa-daun mani.

<sup>3</sup> Pukamunan-kida, na'iki kaiman putaapa zunnao wuru'u mawakainaouznaa ūdaiarunao, mashaapainaouz pa'ida'a na'iki paba'oran manawun. <sup>4</sup> Mazan aizii mawakaiba odaiaru kaudainaoun an zii, na'iki okatakaannaoun an zii, marii ūnao kataapan oroo. Marii kizi ūnao tukapakida kiwiin pidannao ati, na'apam mishidainao taapan pairibannao. Na'apa'o ida'an kizi ūtukapakidan na'iki ūkawadauntan powaa iti wuru'u ūdaronao na'iki ūko'okoonnao sha'apatauzonii kidaz ūati kotua'a naa. Usha'apanum kau'an tuukii Tominkaru konaukii-kidan patukapan na'apa kida'o aimaakan sha'apata-kao.

<sup>5</sup> Aizii zun mawakaiba odaiaru, mashaapainaibazo pa'ida'a na'iki paba'oran manawun, aonaa kanom ba'oran kaina'a kaminka'uta'o nii oroo.

Uruu idi odopian na'iki otaapan panyukunuu soo bauda'apa Tominkaru ati karikaonan. Ipaipam kawana'ati, opishaan u'ati pakaminka'utakao. <sup>6</sup> Mazan aizii zun wuru'u mawakaibazo naa odaiaru mashaapan an madoronaadaun, mawaka'o kawanu'ora'a naa otukapakao padoronaa ii, okakupan pu'u padamata. <sup>7</sup> Ukau'an pukowaada ū'ati ipai wuru'u di'oraz kakinaorii kida'a. Aonaa kizi ūsha'apaapan oo ūtukapa-kidan dikauda kida'o pakaduz, aonaa kizi kapam ūkadakotin-kida-kao.

<sup>8</sup> Mazan aizii na'ia'oram pidan mishida'o, aona'o utaapa'azon pairibannao, aitaniiman umataapa'azookan an padaro oo pako'okoon manawun, uruu tanawatina'ora'a naa pamishidan ai wuru'u na'apa'oraz pidan. Uruu idi udawun iti'ora'a naa manawun uruu wunao aia'a pidannao mamishida-kainaouz.

<sup>9</sup> Mazan aizii zunnao, aona'oraz zii ūmaskonnaoun tuukii, wuru'u mawakainao kidaz naa ūdaiarunao, aonaa pa'i pa'an pusaada'ana'a ū'uu. Soo wunao pa'an pusaada, ikodainaouznaa 60 wunu. Baukapa'oraz omazidauzon, <sup>10</sup> na'iki kaimana'oraz okaduz aitapa-kao. Na'iki kaimana'oraz kapam odyauptaipan ipai paudainao. Na'iki konaukii-kidauzoz na'iki karikaonanu'oraz onaubauzon tawarainao kaawan padapu ati. Na'iki taapaibazo ipai mishidainao kaiman, na'iki chikauzoz ūkidiba ūkaawan an odapu ati. Na'iki kaminka'utauzoz pidannao, dopitainao na'iki kasha'oratinainao. Na'iki wuru'u sha'apatauzoz soo kaiman kida'o

pa'idiwaru aimaakan.

<sup>11</sup> Mazan aizii zunnao, aona'oraz zii ūmaskonnaoun kida tuukii, wuru'u mawakainaouznaa ūdaiarunao, aonaa turuu pa'an ūuu saadakao zii. Panaadon kaina'a'o nii zii ūdi'itinpan daonaiora dau'u na'iki pamazidan dau'u. Na'apa'o ida'an ūtanawatinan Christ ai. <sup>12</sup> Na'iki uruu ida'an ūtukapa-kidan na'apam ūmariidan karikaonan paparadan, pakiauzon kawana'ati u'ati kiwiin. <sup>13</sup> Na'iki aona'a naa kanom ūsha'apata'azon, soo ūchi'ikina'azon karikaonan, na'iki ūkadakotinan ba'orainao dau'u. Na'iki ūaitapa'azon ba'orainao sha'apaapanii dau'an, na'iki ūkadakoinapa-kidan ipai aimaakan pidannao sha'apaapanii kida, wuru'u aona'oraz padamata turuu ūkowaadapan. <sup>14</sup> Uka'u'an ūkian, mariii pa'an ūmazidan wuru'u aona'oraz zii ūmaskonnaoun tuukii, aizii ūkaudanin an uruu ūtaapan ni'i naa paudainao, na'iki ūtaapan ni'i naa padapu kaiman. Aizii ūmashaapan an na'apa, aona'o nii to'oratinainao wa'ati ikodan dikauda'o pakadakotin-kida-kinaa nii waunao. <sup>15</sup> Usha'apanum kau'an kaina'a'a naa ba'oran zunnao mawakainaouznaa ūdaiarunao, tanawatinan na'iki ūda'anan naa Satan. <sup>16</sup> Mazan aizii na'ia'oram zun mishida'o, na'iki kaina'a'o oiribannao mawakainaou'u naa ūdaiarunao, mariii otaapan oo okaminka'utan ūdyau. Aonaa kizi ba'oran mishidainao mizidinan ūdau'an. Marii kizi pa'an mishidainao taapan, na'iki kaminka'utan wuru'u mairibana'oraz na'iki pa'ida'a'oraz manawun ūmashaapan.

<sup>17</sup> Aizii choochi zowaunaanao, wuru'u kaudinainaouz kaiman, pakazowautapan dau'u choochi. Marii kaiman zoobaba ūtaapa-kao,

marii ūkawinipinaata-kao powa'a zii, aitaniiman wuru'u kaudinainaouz manawun dadara, pakowaadapan dau'u Tominkaru paradan, na'iki dadara kapam ūkaudinan ūtominapa-kidan pidannao Tominkaru paradan kawana'ati. <sup>18</sup> Usha'apanum kau'an saada-kariwai Tominkaru paradan kian, "Mana'a udo'otauzo'ona'a tapi'iiza dako, poroom aka dakazaapa-kida-kao an u'ati." Na'iki "Kanom kaudina'o marii ukawinipinaata-kao."

<sup>19</sup> Mana'a punyukunuupa'ana'a puabatan an pidan kowaadan choochi zowaunaa sha'apatan dikauda'o aimaakan. Soo mishi puabatan an zii na'apauda'um pidannao di'iki, dya'utam oo idikinauda'u pidannao, tukapainao manawun, kakuwaapan an zii udau'u. <sup>20</sup> Uruu dauna'an turua'a naa pa'an puparadan oo pukakinaowan uruu, ipai mishidainao abatapan pu'u. Marii kizi kapam ba'orainao kichana'ikin pasha'apaapan ai na'apa kida'o oia'o.

<sup>21</sup> Tominkaru, na'iki Christ Jesus na'iki kaimana'o angelnao abatapan pu'u ūkia'azon pu'ati. Tuukii manawun ūaipan puizo'atin wuru'u di'oraz kakinaorii kida'a. Aonaa kizi pukazannaatan pabi'i kida pidannao, wuru'u pumarainapaniinaouz, ūsha'apatan an oia'o. Mazan marii kizi pukakinaowan ipai pidannao patumaaka na'iki sakitapa parada-karu kawana'ati.

<sup>22</sup> Mana'a puzaamata'aka'ana'a kadiman manawun pidannao kazowautapa'o nii choochi. Na'iki aonaa pupatumaaka-dina'ana'a pidannao tuma ūsha'apaapan dono oia'o. Pumashaapa kaiman, aonaa pu'oiipa'ana'a.

**23** Mana'a pa'i putuza'ana'a wunu pa'idiwaru, putuza masakauda'u kida wine putoba kaziwan idi. Usha'apanum kau'an mapuda manawun pukarinaapatinauzon.

**24** Kaina'a pabi'i kida pidannao kaiman-daun ū'oian tukapa-kao, aonaa na'itim udiza-kao. Na'iki ipai pidan aitapan pataka'uta-karu nii ūdyau. Mazan kaina'a ba'orainao ū'oian tukapa-kao nii oo uaidinan nii diina'iti zii'i ūkootowapa-kida-kao dono. **25** Na'apa kapam pabi'i kida pidannao wuru'u sha'apatauzonao kidaz kaimana'o pa'idiwaru aimaakan. Kaiman-daun ūkaimanan tukapa-kao, na'iki ba'orainao aonaa ūtukapa-kidan pakaimanan, mazan aonaa na'itim ūdizan wuru'u pakaimannuz.

## 6

**1** Mishidainao pidannao, torii-kariwainaouz poitoruinao\* nii, marii kaiman ūmashaapan panaobanaanao tuma. ūtaapa kizi ūdyau umanawunu'o nii, aonaa kizi ūkashadapautan oo ūtaapan ūdyau na'apam karikaonan, aonaa kizi waTominkarun uu dakoapa-kao, na'iki aonaa kizi kapam kuwai wuru'u wakowaadapanii kidaz dakoapa-kao. **2** Aizii wuru'u torii-kariwaiz poitorui, unaobanaitapan an mishida'o Christ, marii kaiman utaapan oo ukaudinan u'ati. Aonaa kizi udikintapan oo ukashadapan uruu, uaitapan idi mishida'o kapam wuru'u unaobanaaz, na'apa paugaru kawan. Mazan kaiman kizi

---

\* **6:1** torii-kariwai poitorui: Putukapa kaarita tokon ii Parada-karu Masha'apannaada-kinao di'ii.

ukaudinan u'ati powa'a zii. Usha'apanum kau'an ukaudinan na'iki usha'apatinan ida'an kaiman, tuukii ukaminka'utan mishida'oraz panaobanaa umarainpan idi wuru'u panaobanaaz.

*Pidannao aipainaao  
dir'i i sha'apauzii*

Ukau'an putominapa-kida na'iki pukowaadapa ipai wuru'u di'oraz kowaada-kariwai kidaz aimakan pu'ati. <sup>3</sup> Aizii na'ia'oram pidan pana'iti'o utominapa-kidan pidannao, na'iki aona'o umishidan wuru'u mishi'o parada-karu wanaobanaa Jesus Christ di'iki'oraz. Na'iki aona'o umishidan sakitapa'o mashaapa-karu, wuru'u Tominkaru aitanii kawana'ati'oraz. <sup>4</sup> U'atadinpan udawunu'iti manawun wuru'u una'apanuz, aitapa'o nii manawun utaapinpan mazan aonaa kanom uaitapan. Soo uaipan pakashadaakapan, uaipan pato'orataakapan oo padakoopaakan na'apa'oram parada-karu dikan ii karikaonan. Uruu idi utoman kishauziaaka-karu, na'iki kashadaaka-karu, na'iki mariidin-karu iribanii dau'u, na'iki dikauda'o di'itinapa-karu iribanii sha'apatanii kida dau'u. <sup>5</sup> Na'iki utoman kadakowaaka-karu pidannao tuma wuru'u aona'oraz kanom ūaitapan, na'iki aona'oraz ūmishidan. ūitiiman pidan kasha'apauzi-kinaa nii wuru'u mashaapa-karuz Tominkaru aipan kawana'ati.

<sup>6</sup> Mishi, kasha'apauz mani pidan, mashaapa'o Tominkaru aipan kawana'ati, soo uabaapan an taa-kariwaiz pa'ati. <sup>7</sup> Aonaa kanom wakaawakidan wuru amazada baara ati'i. Na'iki aonaa kanom wana'akan wuru amazada baara iki'i.

8 Ukau'an, wuru'u wawanyukunuu na'iki wakamichan waikodanii kidaz, turua'o wa'ati wuru'u. 9 Mazan aizii pidannao, wuru'u tuukia'oraz ūaipan pakapuraatanun, mariaakidina'o nii ūdyau pabi'inaaka oia'o ati, na'iki ūzaamata-kidinan wuru atili panyukunuu sha'apata'azonii dikauda kida'oraz. Na'apa'o ida'ana'o nii ūwaotan dikauda'o di'iti na'iki pataka'utin-karu di'iti. 10 Aizii wuru'u puraata marainapa-kaoaz udawunu'iti manawun, buuda'o ipai pabi'inaaka kida'o oia'o, na'iki oia'o orodanaa manawun wuru'u. Kaina'a pabi'i kida pidannao tuukia'o manawun ūdi'itinpan soo puraata dau'u karikaonan. Uruu idi pana'iti'i naa karikaonan ūnyukunuu, aona'a naa powa'a ūdi'itinpan mishida-karu dau'u. Uruu idi tuukii manawun ūkasha'oratinan, ipai pabi'inaaka kida'o aimaakan sha'apan idi'i naa ū'ati.

### *Timothy ati'o kakinaorii*

11 Aizii pugaru, mashaapa'o manawun Tominkaru aipan kawana'ati, mana'a putaapada'ana'a oii kida'oraz sha'apan pu'ati. Putiwautin pa'an kaiman kida'o dau'ati, wuru'u Tominkaru aiapanii kidaz usha'apata-kao. Na'iki mishi kizi pumashaapan kaiman, ma'ozaka kizi putaapan pumishidan. Na'iki putiwautin tuukii putukapa-kida kizi mishi pusha'apatinan puparadan kawana'ati. Na'iki putukapa-kida pukamarainapanun tuukii. Na'iki putiwaa kizi pudadaradan wuru'u kasha'apanna'o na'iki dadara kida'oraz aimaakan, sha'apa'o ni'oraz kida pu'ati. Na'iki kaiman kizi putaapan punyukunuu ipai pidannao ati.

**12** Ma'ozaka'a naa pa'i putaapa punyukunuu, putukapa-kida kizi mishi pugaru mishida'o manawun Christ. Puzaamata kizi oo puikoda kizi wuru'u karikaonanu'oraz kakupa-kizai. Uruu ida'ati'o wuru'u Tominkaru zaamatanuz oo udapadanuz pugaru. Tawuru pukowaadauzon dono'oraz ipai pidannao abatapan pu'u na'apam pumishidan Christ tuukii, na'iki puzaamatana uruu punyukunuu naobanaa nii.

**13** Aizii õkia'azon pu'ati, Tominkaru taa'oraz kakupa-kinai ipai pidannao ati na'iki ipai aimakannao ati, uruu abatapan pu'u õkia'azon pu'ati. Na'iki Christ Jesus ma'ozaka'oraz ukakuwaapan padau'u, ukadishita-kida-kao dono'oraz Pontius Pilate kanaapu ii. Uruu abatapan pu'u kapam õkia'azon pu'ati aizii.  
**14** Õaiapa ipai putaapan na'iki puizo'atin wuru'u parada-karu taa-kariwai kidaz pu'ati. Mishi kizi pusha'apatinan na'iki pumashaapan kaiman manawun ukawana'ati. Aonaa kizi dikauda'o abata-kao pudau'u atii wanaobanaa Jesus Christ kaawan.

**15** Aizii ukaawan nii kaina'iki Paainaa kawana'ati, Tominkaru aitanii kamoon kawana'ati'o nii wuru'u ukaawanuz. Tominkaru wuru'u konaukii-kida-kariwai, na'iki uruu bauda'apa umanawun na'iki kazowautapa'o ipai amazada na'iki ipai pidannao. Uruu tuubaru'o King ipai ba'oran kingnao ai, na'iki tuubaru'o Naobanai ipai ba'oran naobanainao ai. **16** Uruu bauda'apa aonaa umawakauzon, umashaapan kanada'o-karu ii manawun, aonaa turuu pidan kaawan na'iti. Aonaa kanom tukapauzon zii uruu, na'iki aonaa kanom ka'iitan patukapan

uruu. Marii soo uruu bauda'apa umanawunu'o nii wataapan. Na'iki waaitapa kizi soo uruu bauda'apa ma'ozaka'o nii karikaonan. Amen.

<sup>17</sup> Pukakinao tuukii wuru'u kasha'apauzi-tinpainao kidaz manawun īmashaapan kai. Aonaa kizi ītadinpan pakasha'apauzi-tinpan ida'an. Aonaa kizi ītaapan panyukunuu soo pakapuraatanun dau'ati. Mazan marii pa'an ītaapan panyukunuu tuukii Tominkaru dau'ati, taa'oraz pa'an ipai aimaakan kaiman kida'o wa'ati, wakonaukii-kinaa nii. <sup>18</sup> Pukakinao īdyaun tuukii, marii kizi pa'an īsha'apatan kaiman kida'o aimaakan ba'orainao ati. Na'iki karikaonan kizi īsha'apapan kaiman kida'o aimaakan na'iki minziiwa kizi ītaan aimaakan ba'orainao ati. Na'iki marii kizi minziiwa īka'idiwaapan ba'orainao ati. <sup>19</sup> Aizii īmashaapan an na'apa, īkasaba'ukan nii pa'ati umanawun na'iki kaiman kida'o aimaakan, pasaabaa-kinaa nii pamashaapa kizi ni'i naa diina'iti'i aokazi ii. Udauna'an īzaamatan nii kakupa-kinai, wuru'u mish'i'oraz manawun kakupa-karu.

<sup>20</sup> Timothy, putaapa kaiman wuru'u kakinaorii, taa-kariwai kidaz pu'ati. Na'iki mana'a puturukadina'ana'a kadakoinapa-karu an madiwautapaka sodi kida'o aimaakan dau'u karikaonan. Wuru'u pabi'i kida pidannao dakotaniaz kaikin "aitapa-kinai nii manawun."

<sup>21</sup> Usha'apanum kau'an kaina'a'a naa pabi'i kida pidannao, tuukii īmishidan na'iki īda'anan wuru'u dakota-kariwaiz kaikin "aitapa-kinai nii manawun." Aizii īmishidan idi na'iki īda'anan idi na'apa kida'o, tuukii īpozawatan wuru aia'a

mishi'oraz padamata pamishidauzon.  
Marii Tominkaru kamunanun ipai unao ati.

**Kaimana'o Tominkaru Paradan  
New Testament in Wapishana (GY:wap:Wapishana)**  
copyright © 2012 Wycliffe Bible Translators, Inc.

Language: Wapishana

Translation by: Wycliffe Bible Translators, Inc.

**Copyright Information**

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Wapishana

**© 2012, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

---

PDF generated using Haiola and XeLaTeX on 11 Nov 2022 from source files  
dated 29 Jan 2022  
198b856d-ac64-5e95-afee-2b1cb3b356c1